

IZVJEŠTAJ
o provedenoj javnoj raspravi na
Nacrt Odluke o utvrđivanju i načinu sufinansiranja kulturnih manifestacija od posebnog interesa za
Grad Sarajevo i
Nacrt Odluke o utvrđivanju i načinu sufinansiranja sportskih manifestacija od posebnog interesa za
Grad Sarajevo

U skladu sa Zaključcima Gradskog vijeća Grada Sarajeva, broj: 01-GV-02-1416/18 od 18.12.2018. godine i broj: 01-GV-02-1417/18 od 18.12.2018. godine, a koji su doneseni na sjednici Gradskog vijeća Grada Sarajeva od 18.12.2018. godine, provedena je javna rasprava na Nacrt Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo i Nacrt Odluke o utvrđivanju i načinu sufinansiranja sportskih manifestacija od posebnog interesa za Grad Sarajevo, u trajanju od 15 dana. Svoje primjedbe, prijedloge, mišljenja i sugestije, u predviđenom roku, dostavili su:

Općina Centar Sarajevo kao subjekt u javnoj raspravi, nije imala primjedbi na Nacrt Odluka.

Klub gradskih vijećnika SBB-a, „obaviješten/nije podigao“.

Općina Stari Grad Sarajevo, kao učesnik u javnoj raspravi dostavila je, za eventualno uvrštavanje u Odluke, sljedeće prijedloge:

Manifestacije iz oblasti kulture:

1. FEDU - Festival dječije umjetnosti;
2. Međunarodni turnir u tavli „Sarajevo open“;
3. Međunarodna konferencija „Sarajevo i svijet“;
4. Međunarodno klavirsko takmičenje;
5. Live stage - Festival zabavne muzike.

Prijedlog pod rednim brojem 1. je prihvaćen i ugrađen, obzirom da je u pitanju prvi internacionalni umjetnički i takmičarski festival za djecu i mlade u Bosni i Hercegovini koji afirmiše književnost, muziku, pozorišnu i likovnu umjetnost za djecu i mlade, te kao takav uz brojne razloge koji su detaljno navedeni u obrazloženju koje je u prilogu materijala, zaslužuje da bude kulturna manifestacija od posebnog interesa za Grad Sarajevo.

Ostale primjedbe nisu prihvaćene, obzirom da za predložene manifestacije nisu dostavljena nikakva obrazloženja koja bi potkrijepila značaj istih i na osnovu kojeg bi se moglo utvrditi da su to manifestacije koje trebaju biti uvrštene u predmetnu Odluku.

Manifestacije iz oblasti sporta:

1. Goalball turnir za slijepe (Centar za slijepe i slabovidnu djecu Sarajevo)

Primjedba nije prihvaćena, obzirom da za predloženu manifestaciju nije dostavljeno nikakvo obrazloženje koje bi potkrijepilo značaj iste, a na osnovu kojeg bi se moglo utvrditi da navedena manifestacija treba biti uvrštena u predmetnu Odluku.

Klub vijećnika SDA

Prijedlog se odnosio na uvrštavanje manifestacije Sportske igre mladih, Udruženje za sport i rekreaciju mladih u Odluku o utvrđivanju i načinu sufinansiranja sportskih manifestacija od posebnog interesa za Grad Sarajevo.

Prijedlog je prihvaćen i ugrađen, obzirom da je u pitanju najveća sportska manifestacija za djecu i mlade u Evropi, uspješno već duži niz godina okuplja i spaja mlade i njihove roditelje, te kao takva zaslužuje biti sportska manifestacija od posebnog interesa.

Udruženje rukometni klub „Željo“, Omladinska rukometna škola

Prijedlog se odnosio na uvrštavanje turnira „Karneval rukometa u Sarajevu“ u Odluku o utvrđivanju i načinu sufinansiranja sportskih manifestacija od posebnog interesa za Grad Sarajevo.

Prijedlog nije prihvaćen, dostavljen je nakon roka predviđenog za javnu raspravu.



15-01-2019

09

July

09

05

245

Bosna i Hercegovina
Federacija Bosne i Hercegovine
Kanton Sarajevo - Grad Sarajevo
OPĆINA CENTAR SARAJEVO
Općinski načelnik

Broj: 09/C-49-2383/18
Sarajevo, 09.01.2019. godine

GRAD SARAJEVO
GRADSKA UPRAVA

Hamdije Kreševljakovića 3
71000 Sarajevo


PREDMET: Javna rasprava na Nacrt Odluke o utvrđivanju

Poštovani,

Upoznat sam sa Nacrtom Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo i Nacrtom Odluke o utvrđivanju i načinu sufinansiranja sportskih manifestacija od posebnog značaja za Grad Sarajevo.

Nakon uvida i analize spomenutih Nacrta odluka, obavještavam Vas da nemamo konkretnih primjedbi, prijedloga i sugestija na predloženi tekst Nacrta odluka koje su u javnoj raspravi.

Koristim priliku da Vam zaželim puno uspjeha u daljem radu.



DOSTAVITI:

1. Naslovu
2. Evidenciji
3. Arhivi



Općina Stari Grad Sarajevo
Općinski Načelnik

Municipality of Stari Grad Sarajevo
Municipality Mayor

Broj: 01-05-4-91/19
Datum: 09.01.2019.

Bosna i Hercegovina - Federacija Bosne i Hercegovine

PRIM. 14-01-223			
Općina	09	05	193

GRAD SARAJEVO

Gradska služba za obrazovanje, kulturu, sport i mlade

Ul. Hamdije Kreševljakovića br. 3

71 000 Sarajevo

Predmet: Nacrt Odluke o utvrđivanju i načinu sufinansiranja kuturnih i sportskih manifestacija od posebnog interesa za Grad Sarajevo, d o s t a v l j a s e

Poštovani,

Shodno vašem dopisu br. 09-05-6685-1/18 od 26.12.2018. godine, a koji se odnosi na Javnu raspravu na Nacrt Odluke o utvrđivanju i načinu sufinansiranja kulturnih i sportskih manifestacija od posebnog interesa za Grad Sarajevo, Općina Stari Grad Sarajevo dostavlja prijedloge za eventualno uvrštavanje, kako slijedi:

- Manifestacije iz oblasti kulture
 1. FEDU- Festival dječije umjetnosti;
 2. Međunarodni turnir u tavli „Sarajevo open“;
 3. Međunarodna konferencija „Sarajevo i svijet“;
 4. Međunarodno klavirsko takmičenje;
 5. Live stage – Festival zabavne muzike;
- Manifestacija iz oblasti sporta
 1. Goalball turnir za slijepu i slabovidnu djecu Sarajevo).

S poštovanjem,



Dostaviti:

1. Naslov
2. a/a



5. FESTIVAL DJEČIJE UMJETNOSTI FEDU SARAJEVO

5. Festival dječije umjetnosti (FEDU) Sarajevo je prvi internacionalni umjetnički takmičarski festival za djecu i mlade festival u BiH i Regionu koji afirmira književnost, muziku, pozorišnu i likovne umjetnost za djecu i mlade, ali i ostalih vrijednosti koje iz toga proizilaze. Ovakav koncept festival je nepoznat u Regiji i značajan je jer sublimira i dječije stvaralaštvo i stvaralaštvo za djecu u četiri umjetničke grane.

FEDU se održava svake godine u isto vrijeme od 3. do 7. maja u okviru Dana Kantona a pod pokroviteljstvom Općine Stari Grad i Ministarstva kulture i sporta KS. Festival se odvija na nekoliko lokacija: otvorenje je u Narodnom pozorištu sa najnagrađivanijom dječijom predstavom u Regiji, centar FEDU se nalazi u BKC-u (radionice, predstave, press kutak, izložbe), pozorišne predstave se odvijaju u Pozorištu mladih, a ostali programi u Velikoj sali Općine Stari Grad te na otvorenom prostoru (ulice i trgovi Sarajeva). Jedan dio programa se prenosi i u okolna mjesta (Visoko, Breza, Ilijaš, Kakanj).

FEDU se sastoji od četiri kategorije (književnost, teatar, muzika i slikarstvo).

Festival raspisuje tri konkursa za najbolju bajku (afirmirani autori u regiji), za najbolju priču (djeca uzrasta od 12 do 15 godina), za pozorišnu predstavu i za najbolji muzički vokal.

Nakon selekcije koju vrše kompetentni umjetnici dodjeljuju se nagrade u ukupnom iznosu od 10.000 KM.

Svi programi su besplatni. Broj direktnih učesnika: 350.

Broj djece koja učestvuju u radionicama: 250

Svake godine FEDU prati između 7. i 10.000 gledatelja (djeca, roditelji, mediji, učesnici, studenti, srednjoškolci, umjetnici).

Festival je izuzetno medijski praćen.

Broj medijskih pokrovitelja je 7, dok je BHRT glavni TV pokrovitelj i svi sadržaji FEDU festivala se prate u informativnom i dječijem programu. Snima se film od 50 minuta i emitira poslije Festivala. Direktno u realizaciji ovog programa učestvuje organizacijski i kreativni tim koji je sastavljen od uglednih imena bh. umjetničkog miljea. Riječ je o renomiranim ličnostima iz svijeta dječije književnosti, stvaralaštva za mlade u domenu knjige, dramske umjetnosti, lutkarstva, likovne i muzičke kulture

Autor projekta je književnik za djecu i mlade Fahrudin Kučuk koji je dobitnik prestižnih priznanja. Selektor za dječije i predstave za mlade je direktor scene za mlade BNP Zenica Miroljub Mijatović, izvršna organizatorica je književnica Indira Kučuk-Sorguč, voditeljica muzičkih projekata i selektorica za dječije horove je mr. Alma Ferović-Fazlić, dok je selektor za književnost i izbor najbolje bajke uvaženi pisac za djecu i mlade Mirsad Bećirbašić.

Voditeljica književne radionice za predškolski i školski uzrast je istaknuta književnica za djecu Jagoda Iličić.

Voditeljica likovne radionice je Maja Martinović, dizajnerka, a Slavica Lončarić, hrvatska književnica je selektorica dječijih izdanja. Emilija Mrdaković, rediteljica iz Novog Sada je u žiriju pozorišnog dijela kao i Selma Alispahić, naša priznata dramska umjetnica.

Mentor iz lutkarstva je Željka Lemez koja je kreator i Vunenog pozorištanca koje djecu podučava smislu stvaranja lutaka i njihovoj upotrebi u produkciji pozorišnog čina, dok bajke interpretira



poznata glumica Tanja Šojić. Skulptorka Sanela Husić-Musabašić je autorica idejnog rješenja nagrade Planeta Bajke. Amir Kazić-Leo je predsjednik žirija za muzičku nagradu (najbolji vokal).

Ciljna grupa: Djeca i mladi općina na području Kantona Sarajevo, kantona/županija FBiH, BiH, Regiona... Svi oni koji se bave dječijom i umjetnošću za mlade, djeca i mladi (srednjoškolci, studenti, diplomanti, mladi umjetnici, stvaraoci svih profila – Akademija scenskih umjetnosti, Akademija likovnih umjetnosti, Muzička akademija, internacionalni koledži, univerziteti, kreativci vizualnih umjetnosti, multimedijalni umjetnici i sl.).

Svake godine učestvuju sljedeća pozorišta: Zagrebačko kazalište mladih, Zagrebačko kazalište lutaka, Pozorište za mlade Novi Sad, Pozorište za decu Kragujevac, Gradsko kazalište Osijek, Kazalište Jozica Ivaković Vinkovci, Pozorište mladih Niš, Pozorište lutaka Mostar, Kazalište lutaka Mostar, Bosansko narodno pozorište Zenica, SARTR, Kazalište Žar ptica, Narodno pozorište Sarajevo, i drugi.

Jedna predstava je uvijek namijenjena senzibiliziranim skupinama djece.

U likovnom programu učestvuju likovne sekcije svih škola iz Bosne i Hercegovine. Na određenu temu djeca slikaju i šalju radove. Komisija odabira najbolje koji se izlažu u okviru Festivala i nagrađuju novčanim nagradama i nagradama u slikarskom priboru.

FEDU ima i postprodukciju: najbolje priče se objavljuju u knjizi "Vilenjakovo pero", a prvonagrađena bajka se postavlja na pozorišne daske i premijerno izvodi na narednom Festivalu.

Cilj Festivala je da naši mladi dobiju kvalitetne sadržaje i programe iz kojih se uči na najbolji način. Cilj je da sondiramo teren za buduće kreativce a da ovim koji su na sceni damo motiv u vidu takmičenja za nagrade.

Cilj je da našoj djeci i mladima dovedemo najbolje kreacije iz susjednih zemalja ali šire i da se uspostavi internacionalna suradnja i razmjena.

Cilj je i bliska saradnja lokalne zajednice sa mladim stvaraocima, a sve s ciljem promoviranja književno-estetskih vrijednosti, kulture i obrazovanja uopće.

Cilj je da za nekoliko godina dobijemo plejadu istinskih stvaraoca koji će oplemeniti ovu sredinu i obogatiti umjetničku scenu BiH.

S obzirom na odjek koji FEDU ima u regionalnoj javnosti, ovakav originalan idejni projekat je tražen u drugim kulturnim centrima izvan BiH. Gradovi Pula (Hrvatska) i Kotor (Crna Gora) su zainteresirani da se FEDU održava i u njihovim gradovima.

Fahradin Kućuk, autor projekta

IGOR ČAVRIĆ

Grad Sarajevo
Gradsko vijeće

Klub vječnika Stranke demokratske akcije

Sarajevo, 11.1.2019. godine

Za predlagača:

Gradonačelnik Grada Sarajeva

Bosna i Hercegovina-Federacija Bosne i Hercegovine
Grad Sarajevo

22-01-2019

Broj	Drugi broj	Drugi broj	Drugi broj
09	05	459	

Predmet: Prijedlog sportske manifestacije od posebnog interesa za Grad Sarajevo za javnu raspravu

Poštovani,

Obraćamo Vam se sa inicijativom na osnovu poziva za javnu raspravu nacrtu „Utvrdjivanje i način sufinansiranja sportskih manifestacija od posebnog interesa za Grad Sarajevo“ te predlažemo da se uvrsti manifestacija Sportske igre mladih Bosne i Hercegovine.

Sportske igre mladih su najveća sportska manifestacija za djecu i mlade u Evropi koja je u prethodnom periodu okupila preko 1.500.000 učesnika. Igre su u Bosni i Hercegovini u prethodnih 8 godina, potpuno besplatno, okupile 264.850 učesnika a na Velikom finalu u Sarajevu učestvovalo je 13.198 finalista iz preko 200 općina/gradova. Igre su jedinstven projekat koji uspješno okuplja i spaja mlade i njihove roditelje iz cijele Bosne i Hercegovine. Projekat se pored Bosne i Hercegovine održava, već 22 godine u Hrvatskoj i pet godina u Srbiji. Podršku projektu pružaju međunarodne institucije poput Vijeća Evrope, Evropskog parlamenta, Međunarodnog olimpijskog komiteta, UEFA-e, FIFA-e, Olimpijskog komiteta BiH te ugledne osobe kao Ambasadori Igara Johannes Hahn, Franc Beckenbauer, Jose Mourinho, Sven Goran Eriksson, Predrag Mijatović, Luka Modrić, Nemanja Matić, i dr. Počasni predsjednik Igara za BiH je gđin. Ivica Osim, a Ambasadori Igara su Edin Džeko, Miralem Pjanić, Mirza Teletović, Vedad Ibišević i Džanan Musa.

Sve navedeno je pokazatelj da manifestacija koja već osam godina uspješno okuplja djecu iz cijele Bosne i Hercegovine i promovije Grad Sarajevo kao glavni grad zaslužuje da bude uvrštena kao sportska manifestacija od posebnog interesa za Grad Sarajevo.

S poštovanjem,

Predsjednik Kluba
Prof. dr. Velija Katica

23-01-2019 09/ Juli

UDRUŽENJE RUKOMETNI KLUB „ŽELJO“
Omladinska rukometna škola
Novo Sarajevo, Zvornička 27

I.br: 4201531300009

Predmet: Prijedlog i obrazloženje za projekt „Karneval rukometa u Sarajevu „

Grad Sarajevo

Sarajevo, Hamdije Kreševljakovića 46
n/r Gradočelnika, gospodin Abdulah Skaka

23-01-2019 /

09	14	614	
----	----	-----	--

Projekt rukometnog turnira glavnih gradova u Sarajevu (Kratko obrazloženje sportskog rukometnog vikenda)

Poštovani gospodine Abdulah Skaka,

U svojstvu predsjednika Udruženja rukometnog kluba „Željo“, Sarajevo, zamolio bih gradonačelnika i Gradsko vijeće za uvrštenje „ Projekta – Karneval rukometa u Sarajevu „ , u program sportskih manifestacija od posebnog interesa za Grad Sarajevo.

Bolna je činjenica da je jedan od najtrofejnijih sportova u Sarajevu i BiH došao na ovako niske grane. Rukomet je kolektivna sportska disciplina koja odgovara našem podneblju. Sport koji je obljubljen i među sportistima i gledaocima u Sarajevu.

Nama bivšim vrhunskim rukometašima teško pada nebriga i potpuna zapuštenost kreatora civilnog društva i voditelja u Rukometnim savezima koji su u fazi raspada i bezidejnosti.



Iz tog razloga novo voditeljstvo URK „ Željo „ Sarajevo traži partnerstvo sa Gradom Sarajevom da organizovanim projektom u što kraćem vremenskom periodu rukomet vrati u sredinu u kojoj je uvijek bio sport od posebnog interesa, a svojim kvalitetom najbolje prezentirao vrijednosti i sportsku kulturu Grada Sarajeva.

U skladu sa željom mišljenja smo da organizacijom „ Karnevala rukometa u Sarajevu „ postavljamo temelje tradicionalnog godišnjeg okupljanja vrhunskih rukometaša koje bi se u dogovorenom periodu dešavao u našem gradu.

Ideja je da u 2019 godini u Sarajevu organiziramo rukometno nadmetanje glavnih gradova iz Bosne i Hercegovine (Mostar, Banja Luka i Sarajevo) i reprezentacija nama interesantnih glavnih gradova sa kojim smo uvijek imali dobre sportske odnose (Zagreb, Beograd i Ljubljana). Pokretači ovog sportskog projekta bi bili gradonačelnici. Prednost sportista je što lakše stvaraju kvalitetne odnose i mišljenja smo da ovu ideju smo u stanju i ostvariti.

Novo rukovodstvo URK „ Željo „ moli gradonačelnika da se obavi razgovor o ovom projektu.

Predsjednik - Prim.dr. Adnan Dizdar

Mob: 061 817 661